


王怡齋小傳

咸豐丙辰六月

而能散其才又足以濟變焉去冬土匪橫行君兄弟遭毀
室之變卒能出貲募勇急脊令之難以靖鷓鴣渠魁就法
而一境帖然厥功偉哉今君雖歸道山口碑猶存其可以
不死矣

君姓王氏諱國球字孟琳怡齋其號也先世卜宅吾鄉王
澗橋曾祖翰臣先生祖士脩先生諱仁顯上舍生父湘帆
先生名陶金以耕讀世其業嫡母馮氏早世繼母王氏實
生君六歲就塾即從予學將成童從予姑子平君子見授
經將冠學書於平勿亭先生朝夕臨摹神似顏柳迨習舉
業問學於予文筆英挺議論縱橫予方期以大器兩應童
試不過乃發憤下帷篝燈坐斗室中漏三下猶呶唔不絕
嘗攜毛詩就予齋索講一月即能悟徹曰先生休矣予姑



TIFFEN Color Control Patches


© The Tiffen Company, 2007

Blue Cyan Green Yellow Red Magenta White 3/Color Black

姑歸而求之。自是潛心治經，不入文社。常謂士人讀書務為根柢之學，不唯求工於制藝，以博科名已也。入侍父母，能得歡心，奉命課弟國瑩，貌和心摯，事伯父待從兄亦盡子弟之禮。持身勤儉，視博弈飲酒膏粱，紈袴者，格不相入。所往來者，不過一二敦品之士。顧芸窗攻苦寒暑不輟，猶悒鬱未嘗展眉，以致得疾。瘤疾痛入腰骨，少差即觀書作字，讀畫吟詩，務令二人忘其疾焉。昔歲寄予書云：生死回命也，但上不得讀書成名，以酬眾望，下不能治家創業，以慰雙親，有痛心耳。兼之年長無子，真不孝之大者。予報書

慰之，未幾而穉舟來城，相見慶幸。至去夏病復作，猶於枕上搆父母，惟其疾之憂。三藝寄予評閱，予漫為加墨，方冀日有起色，豈知其甫一年而竟棄予耶。臨歿之夕，猶揮淚與予兄訣曰：生與先生相依廿年，所望進德修業，為宗族光而今已矣。即於是刻而逝，傷哉。君貌秀神清，雙瞳炯然，有慧業，遇事能斷，以理有老成風。所著漱芳閣詩草頗近放翁制義若干篇，藏于家。生於道光七年 月 日

時沒於咸豐六年六月十六日亥時。春秋方三十，娶於石崑巖先生名宗恆女，有女子二。予與君有姻戚誼，重以通



家習知行事。尊甫囑誌一二。不敢以不文辭。

論曰。去秋大兒之變。尊人方來視疾。旋聞哭聲。亦掩泣不能。已固由曾卜交情。亦其心之有所觸也。顧予兒幼藐。無善可以表見。已令人嗚咽若斯。而若怡齋者。生性孝友。學問更有以過人。使天假之年。當讓此子出一頭地。乃復隕于奇疾。其銜痛當更何如耶。然而顧子之沒。而留名與原壤之生。而見惡。誠不得以脩短論之。脫然人世。知命不憂其為不朽者。固自有在。雖曰君家情鍾。第欲效掩泣以哀之。不如轉弔為賀矣。


例也。封儒林郎國學生子良賈君家傳。

咸豐乙卯八月代上元溫


朱子

明叔宗丞

君姓賈氏。諱駿。字千里。號子良。虞邑南鄉人也。其四世祖清遠。公自無錫來遷。遂世為常熟人。曾祖文耀。公諱奎。祖玉吉。公諱鉉。考懋德。公諱源。皆潛德未耀。妣謝氏。繼妣龔氏。並賢淑。而君為龔太孺人出。幼從其外舅龔葦江。受贈翁游。能明大義。未冠失怙。即有才幹。隨從兄念喬。上舍出膺外務。入事慈闈。德配龔氏。亦孝謹可風。一室之內。雍雍如也。既強。北堂棄養。哀毀逾常。喪葬盡禮。從兄旋卒。撫兩




姪有恩一如己子長子秉鈞早喪冢婦王氏守節至死為之請旌于朝既耆少子秉熙又喪躬撫穉孫福昌厥後福昌又喪復撫曾孫兆豐恩勤倍至葺室陳氏得二子皆幼方冀天假之年俾兩子一曾孫得以成立乃年交古稀遽以時疾不起惜哉君秉性慈柔持躬謹慎雖短于視而精明寓於渾厚凡遇瑣屑事必措置周詳不動聲色平生慎于擇交唯與其內兄龔杏村外翰妹倩時容齋表姪朱子欽兩文學遊故數十年賴以無事歷年遇賑遇餉以及修城濬塘諸工施衣惜字諸局皆慷慨樂助他若逢慶減租逢災平糶創脩橋梁宇宇無不出貲為他人先而尤厚於所親喪葬無力必贈襚施觀兼及掩埋之資雖適年頻遭外侮而不念舊惡怨是以希知宮商善飲每逢花朝月與二三知己淺斟低唱陶寫胸懷好游山水春秋佳日挈諸壻徧訪吳越名勝健不扶杖見之者以為神仙中人而儀表豐厚玉面金鬚掌似硃砂識者卜為富者相果手創良田千餘畝華屋廿餘楹近得西鄰宅一區欲改作丙舍以安先塋惜有志而年不待也君生于乾隆五十一年六月十三日亥時没于今咸豐五年八月二十四日未時



春秋正七十太學生例。肥封儒林郎配龔孺人先卒。府庠生。敕贈脩職郎諱灝女生子二。長秉鈞娶王氏太學生諱顯仁女。次秉熙太學生娶秦氏太學生諱福田女。繼娶朱氏。議叙縣佐諱紹思女。再繼蔣氏太學生諱繩采女。副室陳氏生子二。秉堃聘姚氏太學生名尚愛女。秉義未聘女三。長適嘉慶丁卯科舉人深水縣訓導龔君諱榮次子。邑庠生議叙按察司照磨緝熙。次適太學生顧君名國慶。長子候銓縣佐敦仁。三適太學生俞君諱璋長子師昌。孫福昌太學生。議叙府經歷。加直隸州州同銜。秉熙出。兼祧

伯氏娶陸氏太學生諱洪女。祺昌秉熙出。幼殤。曾孫兆豐。幼未聘。曾孫女一。未字。余自告葬回儋寓虞城。與君嬌客龔。又村贊廉交。歡燕之餘。間述其內家事。傾耳久矣。適以君小傳見囑。不敢以不文辭。

舊史氏曰。古云能忍有濟。所以唐張公書百字以進御。而世卜其昌。旨哉持家處世之方。備於是矣。惟君守忍以終老。故與物無忤。內外曾無間言。以視過剛必折者。涵養為何如也。今卽向平之通。未畢。遽作仙游。而老成雖徂。典型猶在。予若孫其謹而守之。安有不寔昌者哉。君家充閭之



慶將復見於今已

例封孺人蔣母陳太君家傳 咸豐丁巳七月

太孺人姓陳氏。上舍生位崧公女。年十九歸蔣。為文學。竹
香先生德配。時不逮事翁。侍養孀姑。羹湯必潔。沒後。裹夫
葬。祭盡禮。盡誠。生一子。遽殤。生一女。方晬。即念星家言。命
艱於子。不敢陷。夫子於不孝。為納蓮室。任孺人。生子。恩奎
視之。如己出。時竹香先生以南闈屢薦不售。欲赴試京兆。
而逡巡不果。太孺人質簪珥。辦裝。謂兒女之撫育。薪水之
經營。有我在。勿內顧為也。先生乃欣然就道。入北雍。後。又
援得直隸州丞。諸巨公聘為館賓。未及赴銓。又未獲旋里。

國立中央圖書館 國家圖書館 國家圖書館 國家圖書館

1 2 3 4 5 6 7 8
Inches

Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color


Black



而太孺人因任氏母子俱喪更爲聘副室呂孺人相好如姊妹不憚三千里躬送至京生子湘英甫十月而竹香先生病不起太孺人痛不欲食既而言曰孤兒劣貌旅櫬未歸忍以一死了事耶爰扶柩附糧艘南下渡黃河風浪大作鄰舟之覆沒者不知凡幾乃憑棺而祝曰天苟有吾宗俾吾孤寡獲護先靈以歸否則願以身殉未幾風浪頓息得以安抵里門卜葬靈柩後爲女擇金沙王茂才大昌爲壻贅于家延師無力卽遣其課子讀書下帷攻苦得早歲游於庠慈闈之教也第家故貧賢郎得脩脯以供菽水而

太孺人猶率婦輩篝燈紡織垂老不休時復含飴弄孫謂數十年險阻備嘗而今得抱孫之樂吾事畢矣可從先人於地下矣於今咸豐七年六月十四日微疾而化壽八十有二子一湘英娶於潘秋農少尹之女孫二鍾秀家炳竹香先生與予先君京邸聚首令嗣礪斂賢壻希程又與予定交衡宇相望登堂拜母習知懿行久矣今以家傳見囑不敢以不文辭


論曰孔子刪詩首列關雎豈以其有不如之德而螽斯麟趾於此兆蕃昌歟然而近世之婦人多習於茹齋誦佛膜



拜空桑而於無後爲不孝之太置若罔聞疇能始終善全其夫者惟母克全婦德始則願其有後娶厲戴以綿似續繼則恐其無後仗忠信以涉波濤終且欲克昌厥後丸熊畫荻以教成厥子蓋其精誠上契天心而天亦一一如其願有德者必壽大年之享其以此夫噫若此者可以風矣


崑山 欽旌貞孝余澹如女史生傳 咸豐己未二月

學校以明倫爲重而求之閨閣中實難及予觀崑山余女史則又爽然自失焉女史名希嬰字筠雪澹如其別號也生有至性讀孝經列女傳等書卽思效學隨父學博公倚寓吾鄉膝前問字晨夕依依嘗字朱旋以家貧親老守貞不嫁領幼弟潔養南陔親卒課弟俾列膠庠弟亡撫姪又殫教養長幼二姪早沒爲仲姪娶婦得子婦子俱喪又爲擇配續之近出其苦耕之資買山營葬三代辛苦數十年年屆八旬仍作女傳教繡課經而聰明不少減時復顧猶



鏡城軒稿
子而泣曰先人手澤坐令湮沒不彰非孝也爰乃聲其所蓄檢其祖父弟妹遺詩壽之梨棗其係余氏一脈功甚偉哉始蒙毛伯雨學使獎以貞松孝竹旋於道光己酉大吏上其事請旌得旨可以勵俗已而其緒餘特見之於筆墨自幼能文善畫而詩尤酷好有味梅吟草若干卷梓行於世予於校詩之役辱爲忘年交以生傳見屬不敢以不文辨噫俗論皆言女子讀書易流堅僻如女史之孤子性成鮮不負罪名教豈知天留其身以大有造于余氏能舉一廢百乎其貞而孝也猶之嬰兒養親其友而慈也猶

之義姑抱姪其璧合珠聯務成一家之著作且猶之曹昭續史行奇而庸倫常無憾不負聖賢書矣巾幗如此須着當何如也



TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color


Black

歸江夏殉難長女小傳

咸豐辛酉八月

自來女子讀書但須學得一二字曰清曰貞若文姬之委身胡虜而使乃父蒙羞亦與不識字等無他其有才無節當死而不死也吾女培祁幼好學頗知字義誦內則而窮年刺繡以精女工嘔奪經而三載茹齋以報母恩觀列女諸傳而依戀庭闈不願早嫁為內記室以代父勞日啐佛經三往天竺祈家口平安嘗痛大弟之殤搶地悲號因次弟之疾禱天願代幼弟抱疴又典釵醫卜調護維勤且做金蘭簿與中表嫂妹輩焚香訂盟以潔脩相厲每遇女史

國立中央圖書館, NATIONAL CENTRAL LIBRARY, TAIWAN, R.O.C.



TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta


White

3/Color

Black

中節烈事。輒挑燈廢寢。展玩再三。故半夜猶手書。坐至年二十三。適黃上事重。姑下和築里。待夫尤敬如賓。而蒿目塵世。萬念皆灰。惟借一編消悶。庚申之夏。蘇垣失守。吾邑戒嚴。爰載女避警。村居群聚。每食輒歎。越月。含淚辭歸。苦留不果。內子告余曰。女見時事日迫。已手製殮具。身懷毒丸。決計一死矣。余乃入城勸慰。又放舟往招。辭以家人遷鄉。塔獨守室。不忍拋去。惟遣離婢還耳。仲秋二日。吾虞失陷。女恐辱身。投池爲塔救起。繼而聞塔亦擄。乃投縲於柱下。其時同縊者三人。餘爲匪解。而蘇唯予女氣絕。嗚呼傷哉。

哉。嘅自練裳。甫及一周。未遺人種。已天。年生何不長。猝遭此劫。尸無棺斂。犬噬狼吞。慘痛何可言狀。幸予塔。今夏生還。南來告苦。始知一堆白骨。爲鄰人斂藏。將移埋於親墓。亦可慰霸魂矣。噫。俗論皆言自經溝瀆。特匹婦之諒。身非命婦。欲以一死報國。愚已然。其前輩科名仕宦。兩世受恩。原亦宦家婦。脫稍遠。將成文姬之辱。一朝決烈。得完清貞。爲父者。與有光也。若夫他日之膺。郵典附忠祠。原非吾女所計。第欲讀聖賢書。不負所學。而天亦竟許遂其志。尚得以愚婦少之哉。



其去也... 夫... 仁者出... 易言立人之道曰仁與義有仗義者起毀家而紓難有成

國家圖書館, NATIONAL CENTRAL LIBRARY, TAIWAN, R.O.C.

代旌表貞義適俞沈孺人家傳

同治乙丑五月


易言立人之道曰仁與義有仗義者起毀家而紓難有成
仁者出殉身而全名然而喻斯道者彼鬚眉尚難不意於
閨閫中得之吾邑俞學博書庭鍾磨之配沈氏名炳貞係
國簿涖禾滌泰之女自幼讀書明理比長解吟詠女紅書
笈並造精良年二十于歸事重閨調羹養志孝敬不衰平
時篝燈助讀勸夫子努力前程不徒以一衿畢乃事而其
撫子亦嚴慈交濟待妯娌亦禮法兼全然此論特論其處
常不足為孺人難者而難其在處變憶昔庚申孟夏蘇垣

Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches

© The Tiffen Company, 2007




於朝得

旨優卹以慰貞魂是可以不朽矣瑤忝居媼戚備悉顛末
今學博以家傳見囑不敢以不文辭

舊史氏曰吾聞俞氏殉庚申之難者有若奉直仲安大球
少尉鍾驍固以世受國恩不得不奮身赴難而若

孺人者疑其秉性溫柔無剛烈之氣胡亦慷慨殉義無玷
家風其果濡染有素耶抑其賦稟本殊耶要之處橫流之
際而有此清貞可以勵末俗而昭大節嘉名之肇錫宜哉

失陷虞邑戒嚴軍需之急驚聲珥以餉兵非仗義者耶繼
因賊氛孔迫恒以死誓非成仁者耶逮仲秋二日邑城賊
踞越十有九日孺人匿舟於吳墅河畔見賊蹤蠢起恐擄
被辱竟懷石以自投矣家人救起仍死時年四十二嗟乎
人誰無死死於遇之既而非光明其志亦同於匹婦之諒
耳死何以千古孺人以巾幗而無愧鬚眉傾資餽士急公
既媿虞家裂帛題詩赴水復追何氏一時激於義憤而捐
軀不顧豈欲彤史之標其風節哉然如謝道蘊之死孫思
之難而不登於列女傳論者惜之爰乃親為采訪據實請



恩旌忠義國子生王君霞帆家傳 同治丁卯正月

君姓王氏諱南金字霞帆上舍士脩翁之仲子也居吾邑南鄉王澗橋先世潛德弗曜至尊甫始以詩書啟後君幼從名師游即明大義及寇以長兄如金早世代父理家政比壯貢成均出膺世務入侍庭闈內外皆可法厥後二親繼喪於宅後卜吉葬先人以便春秋祭掃又於宅旁築丙舍兩楹每朔望焚香展拜又屢赴九華普陀諸蘭若追薦先靈而其友愛幼弟陶金叔出季處曾不憚勞教子姪教品讀書延余伯兄指授數十年一手俾學無歧趨其待親

大德...
 而育...
 泉...
 歸...
 父...
 喜...
 全...
 冒...
 亦...

2025.03.05 NATIONAL CENTRAL LIBRARY TAIWAN R.O.C




友也。通財濟貧，絕無德色。而秉性忠直，里有爭訟，恆為解紛。莫城一帶橋梁寺觀，君多勸脩。每遇木饑，水毀出貲助賑，并向巨室勸分。軍興以來，君尤破囊捐餉，相率爭先。環舍多良田，親督耕耨，冀得家業漸豐，舉義莊以贍族。畫師揣其志，作履春圖。溫宗丞葆深弁其首，自咸豐庚申，虞城失守，君買宅於高涇，四面環水，塵跡不道。一唯拈香誦經，齋居度厄。粵匪偪以偽官，死不就，故裹足城市者三年。賊不能屈，迨同治壬戌，收復常昭，君始仗義起。次年二月，督村團禦賊，力屈被戕，前莊庵東隅其死所也。越三日，嬌容

金君海濤收其屍面，如生凜凜，有英氣。

大吏上其事，請

旌得。

旨。丙寅春夏間，雨降鸞於家。自言在冥府掌籍，諭家事甚詳。詰嗣欲表揚忠義，補寒翠後彫，圖屬楊奉常泗孫書冊。徵詩可慰九京矣。君生於嘉慶五年十一月二十七日，沒於同治二年二月初十日。年六十有四。配毛氏，以賢淑聞。哭君未幾而卒。子三國璋，侯銓縣佐，國琨，太學生。國瓌，以哀毀旋亡。孫三皆幼，余居同桑梓，誼托葭莩，服其志節，久



引

重脩旣伽庵募捐小引

惜字小引

西王廟募捐小引

恩橋水西橋募修小引

重建王澗橋募捐小引


根心壇放生小引

義塚募捐小引

為張黃氏郵箋小引

鏡輝軒稿

矣。今公子以家傳見屬，不敢以不文辭。論曰：昔余綴君善舉為作生傳，答言蓋棺論定，此不足以定我也。蓋士固靡不有初，鮮克有終。每有大言忠義，而卒至苟全亂世，半生之百善皆虛，敗節暮年，疇昔之令名莫保。無他，無才識學以濟之也。唯君有待清之識，樂侮之才，取義成仁之學，故一方之死節者，僅君一人，噫，可謂考終也已。



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

莫城義塾募捐小引
 募捐恤產保嬰小引
 重建橫界小橋小引
 募脩莫城隍廟小引
 莫城義學續捐小引
 顧涇蘭盆會小引

國立中央圖書館 國家圖書館 NATIONAL CENTRAL LIBRARY, TAIWAN, R.O.C.

inches 1 2 3 4 5 6 7 8

Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color


Black



重修旣伽庵募捐小引

道光丙午

嘗謂神僊佛雖分三塗而其護世則一其霧無不之故凡通邑大都悉尊奉而香火尤盛于鄉隅豈以地近田疇水旱便祈禱與虞邑之南張港溼有旣伽庵創自國初前後殿供地藏王觀音大士春秋祈報歲著霽應西廂設呂祖凡疾病家請方服之立愈東堂位火師里人虔奉百年無火警匪特一鄉德之凡遠方以事故來者求必應故香火至今不絕顧殿楹不整不足以肅觀瞻前僧福參立闢後雖稍稍脩葺而事閱十年漸傾圯今福參之徒孫墨池




TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black

惜字小引 同治壬戌

粵稽蒼史龜文爲六書所自祖朱宣鳳瑞開八體之先聲
俗洗狃榛結繩易契山登宛委治水案經羽陵珍重夫蠹
餘秦火尚存夫犧畫所以陳經必拜非徒置以巾箱問字
多奇固敢覆於醬瓿也迨至世變干戈人輕翰墨一丁不
識徒挽九石之弓二酉難藏孰惜千金之字臨魯城而誦
絃莫重毀孔壁而絲竹何驚甲裳裹以書包藩涸棄成墨
海遂令村農學廢兒冊遺於田園市賈塵囂鴻文覆夫酒
甕春閨婦女苴履抽書冬塾兒童裂牋拭几際此斯文之

鳴魚閭里暮化重脩但莊荒貲少工鉅費繁唯願遠近諸
信士量爲布施且廣勸同人醵金藏事則功德靡涯定沐
慈雲之庇護矣是爲引
早對前朝典與之文南非之聖古有之
早對前朝典與之文南非之聖古有之
早對前朝典與之文南非之聖古有之
早對前朝典與之文南非之聖古有之
早對前朝典與之文南非之聖古有之
早對前朝典與之文南非之聖古有之
早對前朝典與之文南非之聖古有之
早對前朝典與之文南非之聖古有之
早對前朝典與之文南非之聖古有之
早對前朝典與之文南非之聖古有之




金華朝利
埽地當思惜福之回天耳爰乃結會同人裹成善舉或殘
編作繡譜宜更沒字之箋或棄紙如沉堆合送藏書之麓
勞酬行脚俸給青蚨拾等遺骸馱權白馬付洪爐之炬庶
幾墜地無虞鎮大海之濤更見囊灰有效焉况乎文章莫
裹食報宜隆書不鴉塗必生聰明子弟紙收狼藉可免兵
火災殃勿令水面浮沈文如花落所望錦心普勸字惜蒲
編集腋成裘日費一錢而已足拾遺當路雲揮五體而無
傷矣是爲引

西王廟募脩小引

同治癸亥五月

蓋聞莫耶鑄劍雄鎮稱城沒而爲神蔭一方之土穀載在祀
典昭百世之馨香此廟貌所以尊崇鄉隅於茲利賴也慨自
黃巾竄擾赤壁延燒靈光一殿僅存香火三年久廢辰旗甲
馬如鐵戟之沙沈粥鼓齋魚等銀杯之羽化鷓鴣半毀剝蝕
紅牆鹿豕羣遊難安緇侶過客望而生怖明神何以式憑幸
而感助天兵壯回地勢聽市聲於門外漸復股闕瞻播影於
堂中何堪冷落爐香塵積當拂拭夫几筵屋漏痕多待綢繆
夫牖戶所望集資檀越重整松門或助齋廚之米冷竈生煙




或施佈地之金新祠蔽雨衆擎易舉奚憂湊聚之難百廢具脩定獲神霽之祐也已是爲引

恩橋水西橋募修小引 九月

蓋聞瀚海駕鼉大水尚需利濟銀河填鵲仙家亦待褰脩無須喚渡之煩便於舟楫可免窮途之嘆適彼車輿所以十月成梁寒少褰裳之客雙橋落彩豔誇題柱之人也吾鄉莫城之右有兩橋焉一跨東西名題恩宇一環南北勢壯水鄉白馬靈旗近接土神之廟彩虹明鏡遙通玉澗之橋自南郭爲墟此地遂成聚落况東來有客流民儼展畫

圖市聲若雷倍添商賈人影如織紛擾兵農撫一束之纖腰當千重之履跡肩摩轂擊防紅板之傾頽目眩燈昏俯綠波而躑躅是蓋古今異致應改舊規大小兼脩庶無遺憾雁柱加寬三尺始可容身鳩工更護重闌方免失足坂不傷乎九折石堪坐夫千人所願仁人君子共發慈悲襄成善舉腰捐寶帶大開方便之門手擲金錢重整往來之路非等杜陵廣廈虛願難償亦猶蔡氏洛陽衆擎易舉坦途便行旅擁彗儘可成羣脩福及于孫救蟻定邀厚報也已是爲引



王澗橋募捐小引

同治丙寅正月

蓋聞石填精衛海不至於溺人橋架靈禽河可渡夫織女
雁柱彌地維之缺雁序同登鴻功濟天道之窮鴻溝莫畫
所以乘輿小惠不如十月之梁成捐帶宏恩無致千金之
浪擲也吾鄉有王澗橋焉右通東始之莊左達莫城之鎮
向爲孔道往來者日有萬人今作圯橋敗壞如屢撐一木
青春雨雪何能蠟屐以升黑夜煙波難免臨河而返舟行
恐觸而斷柱擔荷防危而墜淵白叟扶筇每驚心於蜀道
紅妝響屐將失足於曹江能勿興傅巖作楫之思泯阮籍

THE NATIONAL CENTRAL LIBRARY, TAIWAN, R.O.C.

Inches 1 2 3 4 5 6 7 8

Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color


Black

窮途之哭。輒爰是普告。同人務占既濟。聚沙成塔。可量力以捐。金杭葦廣河。先遣工以度木。仗生春之唾玉。駕有龜鼉。懸照夜之明珠。迷無罔兩。辰良。選吉。蘋澗垂虹。甲榜。掄元竹。編救蟻。址可寬。夫三尺規。須護以重闌。斯有因人成事之功。庶無爲富不仁之誚矣。况乃趨市人多。何堪坂折。涉川水漲。未便裳褰。地異洛陽。誰接循良之武風。同鄒魯自觀。陰隲之文。每家一二金。已可玉成。善舉。施主三四輩。無杯渡高僧。行見澤及兒孫。富貴。縣延於五世。恩邀覆載。期頤永享。夫百年也。已是爲引。

根心壇放生小引

同治丙寅二月


蓋聞雀飼黃花。楊寶食四環之報。蟻編綠竹。宋郊掄一甲之元。放鳩旣播於晉卿。畜魚更聞夫鄭相。明乎圍澤。掩羣臣戒腹盈之欲。好生惡死。民物普胞與之同也。迺或狼吞殘忍。虎噬披猖。魯濫泗淵。魚雁數罟。衛開苑囿。鴻射強弓。猿哭于而裂腸。衰如充耳。雞憚儀而斷尾。毫不關心。龜列四靈。神物視爲食物。螺胎萬種。生機竟寓殺機。一身難遠。夫庖廚三面。莫開。夫羅網會亦思物。雖蠢蠢同秉氣。於彼蒼人。竟昏昏以殺生。爲吾素徒。誇饌玉之隆。能得銜珠之



報乎。況乎蛙集春田野，無燕侵之害。鵠飛夏屋，堂有燕喜之祥。尤宜水陸施恩，免哀號於刀俎。金錢贖命，任翔躍於林淵。用是布告同人，裹成善舉。風追三宥，全百族之生靈。日費一文，培兩間之元氣。將見鳳昌五世，瓜縣積善之家。鴻庇眾生，椿壽太和之世矣。是為引。

義塚募捐小引 同治丙寅十月

蓋聞澤及枯骸，古聖布慈雲之化。文成瘞旅，先賢深暴露之悲。憫狼藉之孤魂，斂牛眠之片土。所以掩骼垂於月令，救喪傳自風詩也。慨自圖繪流民，路多餓殍。雖得一棺紙薄，共贖金錢。苦無三尺泥封，將歸火坑。爰覓荒田三畝，公同估價卅金。布告仁人，願為集腋之舉。封成義塚，擬附培心之堂。非惟蒿里銘恩草，結享老人之報。抑且麥舟助葬，瓜縣貽良相之寐也。已。



爲張黃氏恤茆小引

同治丁卯十一月

粵稽繆考施仁必先鵠寡滯生作解爰表龍憐玉成松柏
之操須呼將伯金助梓桑之里庶慰窮民茲有張黃氏者
父升太學黃旭輪清白傳家翁著清河張錦中岐黃濟世
奈棗砧早喪痛欲捐軀而儋石無儲貧難餬口所望大
仁人推恩普勸令其從一而終仗義矜全撫是諸孤之貌
將見澤留餘地慈悲爲昌後之基祥降上天富貴享郵蔭
之報是爲引

莫城義塾募捐小引

同治戊辰十月

蓋聞州序黨庠草鄙均沾教澤聖經賢傳芸編足化頑風
傳就十年之餘士居四民之首松窗竹院儘堪儒釋同棲
蓬戶華門當選人師啟迪倘碑空沒宇曷資筆墨以謀生
惟里可稱仁庶借詩書以明理所以玉成寒峻恐招阿蒙
之呼金釀富豪端賴將伯之助也慨自境遭烽火書散煙
雲澤聽嗷鴻文正之義田誰倡門多題鳳武城之絃誦罕
聞務農工商難書一字寡才識學不解四維舉凡小子後
生流成芳子嗟彼零丁孤苦力歎識丁陋巷豈無材安得

孔門之鑄荒鐘雖有寺孰攤王播之書乎所幸大憲垂
慈飭鱸鄉以設塾賢侯奉令捐鶴俸以開先爰豫定於
劍城創蒙求之書館聘席珍以宏樂育舉鄉董以善經營
奉揚仁風植噓花縣有^如時雨貧洗茅檐將化贊絃歌既
陶有出藍之輩且義孝悌負戴無頽白之人矣唯是升斗
廉泉不敷館穀几筵供具須^轉囊金里正奔波三節當酬
腳費沙彌守戶一年合報心勞向無檀越之佈施草堂易
啟非有梓鄰之洽比薪水何資還願義士勸分春生妙
舌仁人慨助夏庇歡顏或撥錢爲膏火之資或捐產作

養殮之計眾擎易舉費不仰夫一人諸鎮效行教可敷乎
四境爾行見清敦地主例破天荒開甘露之門人皆喻義
負如雲之笈戶盡知文蒸鄙魯之儒風廣蘇湖之教化西
華任子既免素帔之淒北海鄭鄉更折黃巾之敵投築衣
於客館媿彼鄭風容齋粥於僧寮培成宋相恤孤懷少斯
文重而子弟聰明哀賤憐貧食報隆而身家富貴已是爲
引

募捐恤產保嬰小引

同治己巳十月

蓋聞寤生驚母難安側室之居郭巨埋兒恐奪高堂之養


繩牀轉側痛心耐到臨辰未廩空虛枵腹何能哺子分媿
有誰保護貧怨熊占泣咏無計圖存棄嗟虎乳遂至身形
蕉萃求死不復求生手扼蘭芽多男尤防多累况吾鄉舊
經兵劫家等破觥連遇水災室多懸磬蔀屋有添丁之慮
保母誰招蓬門無知己之扶貧兒似贅臨盆而吉凶莫卜
力難辨夫丹丸墜地而裳裊皆空寒易侵夫赤體猿啼有
血乏燕婢之司勞羸負無緣致麟兒之見厄高天厚地遺
憾猶留委巷平林永傷誕真宜閹艱辛之象善全母子之
蚨某等目擊危亡心存保郵代呼將伯且扶草以宜男傳

諭窶人母棄管而溺女或施斗粟願酬益母之湯兼助囊
錢粗具綳兒之祿命須憐夫螻蟻黽勉誠求字不待乎牛
羊烏慈自哺紅顏無傷乎產難黃吻漸望其長成將見花
孕同培淑婦邀齊省之福竹安疊報奇男賜繞膝之祥是
為引

重建橫界小橋小引

同治庚午正月

湖自巖聚莫城旅人增雙橋之彩雁排玉澗村主橫百尺
之規唯有橫界小橋者為南北之道途刺傾欹之朽木臨
深澗而戰戰恐墜煙波履折坂以搖搖何堪雨雪某等神



鏡城輶利

行官止欲哭窮塗自擊心傷難捐寶帶所幸地偏港小不
同寬海之填水暖春和非比洛陽之險問渡苦無鵲駕乘
時宜早鳩工况乎油坊四合必思朝夕之求道侶數家難
斷往來之路四柱豈安於浪蝕重欄當慮其風漂用敢苦
口再三勸同人以義舉行蹤千萬占既濟於義經玉成全
仗夫眾擎金釀不煩夫一姓將脩德獲報救蟻享元宰之
榮且持危扶顛垂虹彌帝天之撼同治庚午二月
蓋聞城復于隍端賴神明之主廟崇曰貌必昭巍煥之觀

茲有風憲隍廟者琴水分封司一鄉之香火劍城永鎮受
三錫之顯榮勦賊藪而有功婆心保赤監仙壇而無倦法
眼垂青柰因兵燹之餘難免垣墉之壞雖水衡捐鶴俸已
脩眺望之樓而塵市競魚鹽誰葺靈光之殿用敢同商義
舉普勸仁人或助金錢牆宇有雲霞之彩或施木料屋
廬無風雨之漂將破南鄙之天荒子弟終膺福報且振東
湖之地勢神靈疊賜麻祥是為引

莫城義學續捐小引同治壬申正月

伏念劍城創義塾設三年珂里推仁囊輸百貫家雖呼琴




蒙求則澤被孤寒市盡識丁革故而風成鄒魯引青旗之
輔使卷有書聲教白屋之宴兒堂登大雅無奈蝸涎易涸
杏壇難集三千便邀鶴俸分頒花信僅符廿四欲壯梓鄉
之色負笈雲從須添薪水之資荒廚火舉爰呼將伯祈借
助於婆心俾安館賓得稍夫脩脯施田少檀越宜籌經久
之儲連歲承權輿且做舊捐之數務令天荒破例顯愚盡
列儒林庶幾地主多情友助無虧古誼恤鄰有福定繇富
貴於三傳作善降祥合報康強以百歲是爲引

顧涇蘭盆會小引 同治癸酉七月

錢塘雜錄

蓋聞物我同原曾斂途中白骨幽明一體豈遺野外青燐
況經粵匪鴟張橫多餓殍幾致虞鄉鹿走祀少孤兒看義
塚之榛蕪屍嗟暴露妬田家之麥飯鬼嘯淒風顧瞻頓觸
慈心呼召宜資燭口小桃源素稱仁里每郵流離古蓮社
時聚文人愴懷瘞旅不祀須懲葛伯詎唯吾祖馨香嗟來
莫效黔務使眾靈汗舞茲際中元令節金醪同人旱魃爲
災玉成利濟追目連之救母會設盂蘭宛賈傳之弔湘波
沈角黍招菟翦紙上壇而禪偈齊宣擲未成珠爭食則鬼
雄監視抑且沿途極困焚百萬之冥錢苦海起升振再三



之法鼓在昔噉鴻噉中澤尚應庚呼而今兔穴荒叩敢忘
 丁祭莫喜人過邪魅定招三令之呵無憂鬼餒若教同補
 兩間之憾魂離青塚既因托鉢而垂憐夢謝黃衣行見銜
 環以報德從此北邱窮鬼常看白蜨飛灰共推東里惠人
 豈復紅羊遇劫



聯


鏡埠軒雜著卷四目錄

常熟

龔緝熙

純甫

國家圖書館, NATIONAL CENTRAL LIBRARY, TAIWAN, R.O.C.



© The Tiffen Company, 2007

TIFFEN Color Control Patches



筆花方燦爛痛年逾四袂忽召脩文
梁木嘆傾頽悵節過重陽仍難避悔
戊戌 輓時容齋夫子 年四十四沒
于九月十八

童顏鶴髮冠耆英

鳳子龍孫縣福澤

贈金叙山丈

年八十餘
有子有孫

秋風催鶴馭訓香文宣

愛日遼烏私情陳令伯

癸巳 輓賈母沈太孺人 子念喬上舍先卒
孫二沒于秋九月

國家圖書館, NATIONAL CENTRAL LIBRARY, TAIWAN, R.O.C.

鍾鼎韓和

inches 1 2 3 4 5 6 7 8 9 10 11 12 13 14 15 16 17 18 19 20

Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

Black

庚子代三叔父輓秦守仁姻世文孫曾四代子國學生叔父現館大家

綈蔭慶長齡上舍橫經傳鳳子

樗材蒙不棄新春執贄遣龍孫

辛丑輓徐母張太君有子有孫年九十没于五月

含飴弄孫畫荻教子

九旬上壽五月昇仙

輓賈內嫂秦孺人年二十八舅姑與夫俱存子一没于八月初七日

襄夫壻而舉案齊眉秀育麒麟廿八年華成逝水

事舅姑以調羹洗手慘招鸞鶴三千世界馭秋風

壬寅代輓其舅氏吳

十字碑將題闕里

雙行淚已灑西州

輓賈內嫂朱孺人虎羊內兄繼室于十二月初九日丑時分挽于母俱亡婚未一載


臘八粥新調悲鶴馭五更子母快飛空騰血

春初車舊挽嘆鷓鴣絃重斷郎君燕喜未盈年

癸卯代薛松亭輓友子五弟二


膝繞五常承構業

肩隨三鳳失瑣音



TIFFEN Color Control Patches

© The Tiffen Company, 2007



代輓三叔母

于歸二十二年叔父館外叔母沒於五月三十日遺妹五

廿二年內助堪師歎曰夢良人中道瑟琴絃遽斷三十夕坤儀忽杳痛珠啼弱女此時鍼譜誰傳

賀崑山家與可茂才續絃

緣續鸞膠仍歌淑女

祥徽鳳采仁卜佳雛

輓黃某

費于除年二十餘沒于九月二十五日有母有一子

親舍日方長歎廿載承歡忍嘔心肝悲阿母

瑋鄉霜忽冷痛九秋遇危空留手澤付孤兒

輓大樽伯

年七十有子三沒于十月

脩到古稀年庭樹三株方晉祝

悵逢春小節嶺梅一夜忽摧寒

輓周星堂

上舍三年中喪妻及一子一孫沒年六十

悼惠哭子哀孫痛三載呼天疊見椿庭揮老淚


敦族瞻親愛友數六旬厥世空教梓里溯仁風

輓佩香叔

年六十有三沒前患問疾但云與汝長別以心疾亡庠生

周甲過三年歎地下脩文竟老諸生芹泮裏

苦辛纏一病痛林前訣別誰攜小阮竹林間



乙 代友輓邱某 業酒年六十六没于正月與執者系外弟兄

月紀建寅初痛型謝老成紅錦空縈今日夢

年逾周甲後歎誼聯中表黃壚難續舊時歡

輓賈鹿革上舍 父母俱存于幼年三十四没于五月初四夜

賦鵬別雙親不待來朝湯續命

分鸞悲一夕差欣後嗣慶克問

又

鸞馭徵才歎卅四年華消磨梓舍 侍祖雙清孫繞膝

虎闌撤座痛三千世界冷落蒲觴 誄夫一慟婦傷心

代外舅輓內兄鹿革

侍膝瞻余猶記問安三至寢

傷心累汝敢言無罪一呼天

輓賈姑母 夫存于亡孫二余以姪棄塔館姑母家已二載


相夫賢撫孫賢歎六秩甫踰地下竟圓思子夢

叨姪誼兼塔誼感兩年垂愛林前難報館甥恩

代姑丈輓內 歸賈四十年没于八月初八日巳時

四十年內助堪師竟成永訣

重八日塋儀忽逝遽輟含飴



代二叔父乾姊

代嗣仙 秉中 乾叔母

燃鬚未侍經年疾 鍾母同嬭法推郝氏

如手難除九月喪 謝家內助歲佩諸郎

代家時眉文學 性 乾堂妹

歸妹下西行使我頓添孤雁感

令君悲獨處偕誰同抱兩孫雛

代平竹香參軍 交益 乾姨母

想當年萱艸同根夜雨艱辛齊課繡

悲此日桂華著樹秋易近午忽聞凶

代人輓賈母 勤備起家慈仁郎里以腹疾不起時八月

敬德如賓布荆創業推賢佐

婆心若佛桑梓同聲哭善人

有山鞠窮乎腹滿河魚難起疾

聞木犀香否手馴月兔倏昇仙

丙午 輓時湘雲上舍 從先君子游乙巳春會晤于一弟三沒于正月六日年五十九

蘭帛舊道家憶忝春容館重逢頭顱雪皓口舌風生此會

竟成千古別

椒馨新獻歲數今日仙鄉一返梓舍霜悽棣階雨灑浮生

猶靳六旬年。

哭茂園舅氏

没于二月十九日

送舅氏於渭陽。淚雨交揮。千古傷心成永別。
召元章于香國。慈雲下降。一朝合掌得全歸。

又

年七十四
有子有孫

春仲限中旬。竟選良辰成佛否。

古稀踰四載。空聽孝子挈孫嚙。

輓陸筠軒

没于七月時余適赴省
試其年卅三嗜酒能詩

舊雨滯金陵。七百里凶信飛來回首。梓鄉悲酒友。

秋風悽玉宇。卅三年塵緣遽斷。傷心蓮社少詩人。

輓李廷榮

樂善好施子三没于八月十六日年八十有五

善願滿三千。三子傳心定。卅年無改。

遊齡踰八十八。仙讓齒誰知。八月有凶。

洛社重蒼顏。耄歲五齡成佛去。


函關迎紫氣。中秋次夕赴仙招。


輓朱奎章

宗聖孫會四代没于九月與余家世誼
姻誼今夏晉謁猶雙蹠

庭蔭毓孫曾。歎秋仲昇僊。蘭砌孤兒滋淚雨。

世交兼戚友。記夏初揖客。梓鄉後輩挹光風。





輓介眉叔母

子二天存孫一年五十有七以連喪兒女飽醫成疾沒時十月十九日

寶瑟聽聲希蔭下餘猶雙鳳子

泉臺含笑忝生前已見一龍孫

周甲欠三年歎梁婦含愁哭女悲兒難起疾

小春將廿日顧荀郎隻影詒孫翼子孰分勞

輓賈母李孺人

余為其姪倚距外姑沒才一年耳

視內子以猶兒女誠曾傳當日授

呼外姑為叔姪仙游儼赴隔年盟

又子二沒于冬至日丑時年六十有二

萊子羨雙清愛日短於冬至節

萱辰逾六袞淒霜寒到夜闌時

輓賈內嫂王孺人

撫孤十五年沒而猶視

守節廿三載生也有涯

補輓賈母李孺人

兩弟俱明經

助讀進熊丸桺母猶存新手續

明經推雁序惠姬綽有舊家風

代塔輓


器業無裨慙半子

栝園有澤慟雙丁

哭吳生少卿上舍

展錫

父母存有女無子



TIFFEN Color Control Patches

© The Tiffen Company, 2007

弱女雖非男堂上含飴差可弄

斯人有此疾牖間執手亦堪傷

丁未代曹晉雲桐輓兄友梅松

主器人亡空使椿庭揮老淚

歛項誼協何曾豆釜詠愁懷

賀時酉生合卷有母在堂昏於十月

鼎母氏助勞萱草堂前齊拜慶

卜郎君及第芙蓉鏡下早催妝

戊申輓蔣企棠上舍邦烈父母存女二位顏巷殁于五月初年尚少

含淚別雙親地下文修顏巷子

慰情遺二女天中駕迫蔣山神

南鄉文昌祠聯

陰隲一篇開覺路

文光萬文煥虞陽

贈毛菊泉坤工醫子弟來學

壽世辛勤憑橘井

傳家子弟衍葩經

代曾叔巖孝廉輓戴雙柑師師范歿于七月初六日與曾叔巖同案

歌泮水八章芹香共擷

先立秋三日桐葉驚凋

輓王母劉太君

洞庭王蘊香嗣母好善樂施年八十

善願滿三千昔日登堂優客燕

遐齡踰八十秋風返駕跨仙鸞

輓俞琢齋上舍

適子愛棠早卒孫嗣道室得子

哭子梓山寒慰孟氏釵荆已有桐孫分隔院

添丁蘭寢喜傷李隗就木俄從蓬島賦同車

輓徐母顧太君

喜京

丹鳳昔時忽幾輩嘉賓留截髮

白鳩他日感三年孝子痛傷心

代魏緯堂少府

觀經

輓其表母舅孫湘橋茂才没于

十二月係武生


藻泮仰遺型曾在外家叨教澤

萱堂揮老淚漸悲中表似晨星

代弟輓

兵法舊傳家手擅鴻才曾射日

鼓聲新報臘心傷雁序忽漂風



TIFFEN Color Control Patches

© The Tiffen Company, 2007

己酉 輓王節母馬太君

鵲噪抱松筠 轉眼天恩旌北闕

烏衣盛蘭桂 傷心日景薄西山

閏四月 輓王蘊香上舍生母孫太君 嫡夫人尚在

內治佐相殯 歎閨厄黃楊白髮中 閨揮老淚

新陰看行蹤 冀輝增彤管 烏衣後嗣顯徽音

七月 輓黃崧軒上舍 培金三人從余學沒於中元後二日時

值水災年五十三

大學 厭觀碑去作神仙游 五歲

凶年難度奴 留遺子婦侍重闈

鄰誼繼通家 彩鳳三雛來問字

祖風追扇枕 慈烏一恸失承歡

七月火流西 蘭會中元過二日


五旬堂慕北 杖家勝境限三年

多藝多材餘手澤

克勤克儉永心傳

又代龐敦甫上舍 輓崧軒 係內兄

烏養遂私情 會紹黃童成孝子



TIFFEN Color Control Patches

© The Tiffen Company, 2007

鹿門偕小隱慘聞龐婦哭兄聲

代王夢蘧哭其兄寶君沒於十月

寬被舊同眠聚首曾聽終夜雨

雅壇今忽斷傷心永訣小春天

十一 輓性千上人

悟源亭受客時設宴集傳戒多弟子殉年八

十二

杖過八旬年師是蓮池脩到佛

鐘聞三百步我鄰竹院罷參禪

經濟出禪林看佗年名載棗梨邑乘又添方外傳

亭臺營福地嘆此日香銷薈蔔園
卷空結淨中緣

初夏水嬉張劇筍留賓德飽齋廚三白飯

仲冬山唄寂拈卷作佛功圓面屏半縑流

皓月照清池鎖帶賓朋多八座


慈雲敷廣廈傳衣弟子遍三吳

辛亥 壽柯母翟太君六十 吳郡人

海屋鶴壽添菴閣稱觴周甲日

吳鄉鳩杖曳蘭陔舞綵令辰天

三月 輓平春園上舍 世勳夫人陸孺人子有祿



荆布正齊眉。歎北海拋鴻。鷄藥一朝辭。夏屋
桂蘭方繞膝。痛西池駕鶴飛。花三月。黯春暉。

輓賈梅溪配時孺人甫得子嗣長房

得子慶充閭。先繼大宗能割愛。

襄夫同舉案。忽悲姪女遽昇仙。

七月 代伯兄輓盧姻母一孫

七袞慶方開。喜綵服文孫手。弄含飴。酬夙願。

初秋凶忽遘。歎蓬門弱息躬。親侍疾。僅須臾。

九月 輓沈隆吉丈棟年七十四子得山游庠沒於九日妻存

壽過七旬年。侍膝青衿方晉爵。

災侵重九節。齋着白髮忽離鸞。

十月 賀家小安桂入泮 稟淡安明經庭訓

手受常經喜。此時鸞鳳豐毛芹。池毓秀。


心摹卻策看。它日鯉魚燒尾。綈講增輝。

十一 哭亦蘭三叔父先父辛卯沒先祖辛巳沒繼叔母存一子五女贊於胡仲虎太嫗翁尚在

哭祖逢辛。哭父逢辛。哭叔又逢辛。嗟刻鵠難成。徒負馬援

兄子誠。

有妻茹苦。有兒茹苦。有女還茹苦。慨乘羊已杳。復添衛玠。



婦翁愁

代胡仲麓文輓塔贊子一三十年岳母故歿年五十二有

三十載餐秦樓伴我冰清叨半子

五旬餘悲楚些成予宅相望孤兒

壬子正月壽朱子欽文學文 龐夫婦雙慶一年七十一一年

福地儷雙僊桑梓稱觴躋夏屋

華筵開八秩桂蘭舞綵綯春陽

伉儷竝扶鳩海屋籌添踰七袞

兒孫爭晉爵汾陽笏滿慶三多

孤悅設良辰壽與虞山同不老

珥貂多令子源沿沛國慶長縣

代大兄祝其外舅子欽丈

繞膝行螽斯萊綵輝光分半子


齊眷歌燕喜冥疇福壽慶重申

贈毛菊泉

鋤芝能使一方壽

服藥必求三世醫

二月代朱又村少府震輓張慎甫室其子為又村塔女未建門



筆墨騰眉圖。嗟菱鏡良緣。京兆辛勤傷健婦。

杯棬留口澤。嘆蓬門弱息。畫堂未及拜慈姑。

五月 輓顧扶九上舍 大辰 年七十九子德輝諱叙八品

杖國老霜椿。此日蓬壺成夙願。

傳家期式穀。他年芝誥晉榮封。

六月 哭芑亭從兄 籍燦 方駝函問疾聞罷而暝矣嗣子

一個弱吾宗。昨夜含愁披雁信。

十齡遺爾嗣。他年食報貢鸞封。

又芑亭貧而好施弱而多病先立秋三日沒

蒲柳望秋零。多病孱軀難載福。

梓桑聞夜哭。感恩眾口共銜哀。

九月 輓宿亭族叔祖母 沒於望日予家向叨厚誼孫曾林立福蔭縣縣

鸞馭返西池。脩到神仙剛月滿。


犢禪悔北阮。感深族黨荷雲慈。

三代衍螽斯。歎絲綵換重階。此日素衣和雪冷。

九秋驚鶴弔。卜名傳萬石。他年彤史播風高。

十月 輓吳湖康上舍 豐玉之母年六十四

坤德茂延陵。歎節居小春。日黯萱堂驚鶴弔。



母儀傳戚里，悵年逾周甲。霜霏杵舍，輟烏私。

癸丑賀時己生，寶釧入泮。係余及門父食廩餼兩叔均庠生母存弟同試未售

芹藻盛家風，盼望登科君破例。

李桃成國榦，栽培得力我分光。

鯉對舊趨庭，花管藻思開後起。

鵬程新發軔，桂林蓉鏡兆先聲。

雁序卜冲天，領袖吹埙歌藻泮。

烏私酬愛日，披衿煥彩作萊衣。

三月賀家鄭叔良入武庫。

宗族識駒材，千里飛騰從泮水。

國家需虎旅，六韜練熟定天山。

七月輓錢文欽姨丈。年七十四慈厚好施于三孫亦繁

繞膝有諸孫，七旬忘老。


終身無一憾，三黨銘恩。

八月輓翁蘭洲。振鏞有從弟一性如靜母存年三十未娶

中道雁行分，躁釋矜平偏不壽。

養堂烏哺輟，形單影隻孰遺羹。

九月賀錢生竺卿。福基合承父母俱存詩書應試



百子繡鴛衾寶樹根培銀漢後

雙親添燕笑金蓮炬耀玉堂先

補八代伯謙親王湘坡廷樞夫人存有子女媳母舅姑

三代盛三槐中饋淒涼傷家婦

寸心同寸草舊恩照嫗負封姨

地下我親逢姊妹花聯應灑淚

閨中卿壻斷神仙藥竊忽離塵

九月輓宣問禮貴係余妙倩前歲賀長君合卺今錫憶前年子婦團圓歌壽母歌令妻一堂燕喜

痛此日女嬃婢媛哭少男哭佳壻兩度鵲啼

十月代大兄輓岳馮玉山文學照子二一出家有孫年七十八

半子典型瞻選士追思遊泮日

雙丁儒釋判詒孫已近杖朝年


十一月黃悅芽工舍庭誥祖母輓詞與子為郎年八十一有曾孫

孟氏接芳鄰記去年八袞筵開歡稱壽母

劉殷酬孝養嗟此日一陽節屆緝抱曾孫

輓適宣氏姑有孫

愛日薄西山陳表方酬王母養



高風媿東魯抱嬰莫報義姑恩

甲寅 輓時着族叔性 屏生大小 三月 試至 老無聞

頭白困方干花榜他年邀及第

眼青憐小阮竹林舊日恨同遊

六月為蔡餐霞司馬廷勳上邑廟聯

一邑仰神明下庇南沙垂福蔭

千秋歌正直上承東嶽布仁恩

上三法司殿聯

司天上台衡丹禁分曹三足鼎

憫世間疾苦綠章上奏一心乎

上華陀廟聯

漢季老神仙刮臂針頭傳捷效

虞陽新廟貌銘心刻骨拜靈方


哭賈翰才州司馬福昌 一方三歲沒年二十三

代父事重闈慶錫鸞封六品頭銜方晉秩

生兒繇一脉悲深鵬賦三年懷抱待酬恩

又代朱恂如少府景清 輓翰才係中表

蒿里忽歌中表逝



梓鄉同哭少年殂

八月輓王蘊香配葉孺人新遺本生姑喪子二
一出仕有孫三人

哀毀哭姑亡憶南澗蘋香裏摺有齋勤執爨

顯揚香子貴歎北堂護悴弄孫無力輟舍飴

代俞石泉輓其外舅朱筠卿瀚妻存子無兄弟
無故頗有斷事才

忝居半子服三月泰山遽失當頭影

誰卹孤孀慰九泉塵世難容折角才

孤館留甥情最重鴈羣忽見中行斷

半生盼子願終虛鵲血難禁弱息啼

輓周聽泉貳尹崇堯祖以進士宰獲鹿等縣封朝
議大夫以姪貴封奉政大夫聽泉

發直隸需次主簿歸養繼母今歲子婦俱亡添遺
腹孫未幾而聽泉又沒

累代國恩優許一賦歸來侍母蘭陔烏養遂

半年家運惡歎三喪疊邁添孫桐院燕詒空


十一月輓蔡餐霞丈五子兩孫曾下鄉闈三次精舍有園亭
占西郊之勝樂善好施長子菊軒以布

理問加級請封三子滢江以鹽知事肥封父母沒
於初八日年五十五子館其家已三年送殮遇雪

種德廣心田盼五鳳雙龍異日高科新甲第

遺文留手澤歎千軍三峽秋風矮屋舊辛勤

廣廈闢西城使八百輩孤寒感恩飲泣





新綸頌北闕慰三十年教育含笑飛昇

王洪臨月夜升仙仲冬八日館穀三年雲誼渥

杜子美雲安伏枕既艾五年園花一旦雪泥封

代蔡伯脩茂才炯輓叔

藥石誠深仍畫虎

芝泥封錫忽驂鸞

壽蔡佩玉 福德七十

榮綵舞重階鳳子龍孫多繞膝儉勤始許兵荒度

椿齡躋七秩童顏鶴髮慶齊眉經濟多從學問來

為蔡蘭軒撰村塾聯

乙卯二月蔡氏寔房

地下修文恢甲第玉樓新作記五雲有耀紙成閣

館中作主安丁公林屋舊藏書千載無聲琴臥牀

碧落樓臺超世上是真福地

丹叩花草勝人間别有洞天

贈陸頌甫 長慶少游湖北歸 隱虞陽樓居嗜酒

樓上醉呼虞嶺月讀萬卷書只識得忠孝二字

袖中歸帶楚江雲觀千古事纔能分邪正兩途

八月哭賈子良外舅 駁距照視疾才二刻已逝側出 子二曾孫一並幼欲書遺囑不能言

侍疾僅須臾半子傷心難報德。八月有凶如臨如履
詒謀嗟恍惚雙丁繞膝忽含啼。七十曰老全受全歸
秋以為期恰與吾姑同八月與外姑俱八月沒
善有餘慶欣看弱嗣領重孫

又代其姪梅溪

秉文輓 手創田宅成貧翁 梅溪少 孤其叔沒年七十

推恩猶子憐孤露

創業艱辛到古稀

又代其甥時己生茂才寶釧輓其亡孫翰才舊捐州

淚灑西州千古離情悲舅氏

恩頒北闕九京晉爵報文孫

又側室生二子去年孫辛遺孤一於八月二十四日
不起十年中次子長孫連喪孫國子生

梓里頌財神七十年克儉克勤隻手能教恢復業

蓉城迎館主三千界自來自去傳心可奈盡冲齡


後庭蘭夢重圓忽驚椿老

前歲桐孫早萎猶辛爪繇

半月距重陽何乃早膺南汝尼

十年哭三世不堪回首北平交

太學老何蕃頓報三秋弦誦業



長沙亡賈誼拍聽四海鼓鼙聲

九月伏蔡逸霞少府輓其從兄文山學博廷熙 臥病辭官沒于三十日

鱸席久拋隨月晦

鴈行俄斷逐雲飛

又大兄捷武科三兄捷文闈子六孫一年五十八住西城於九月杪不起截取縣令病經數載

科第繼諸兄方盼鳧飛仙令駕上句或易需次已多年

年華開六秩忽驚鵲漬楚菜衣上句或易沈疴偏累歲

三絕才高北闕方期敷化雨

九秋厄降西城忽報隕文星

丙辰正月題王氏祠堂

蘋澗薦馨香孝思足式于孫繩繩履春露秋霜如聞效

槐庭卜昌熾陰德長縣籩豆秩秩思水原本本永報馨

題天后廟聯有護海功三月廿三日誌

題絹燭

一片慈雲罩敷四海

和暢四時調玉燭

三春化日晉祝千秋

吉祥雙曜吐金蓮

題關帝廟聯

秉燭正人綱忠義兩全扶漢室

橫刀襖賊鬼聖神一怒翊皇朝

